

中 山 西 太 原 省
醫 改 進 研 究 會

中華郵政特准掛號
認爲新聞紙類

民國十八年二月

醫學雜誌

第四十七期

北京圖書館藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿件每一稿奉贈雜誌一册如一期之內登兩三稿亦祇寄送一册
- 一 凡永久贊助本會特別熱心或贈送書籍諸君本會按期寄送一册
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第四十七期

目錄

附設醫院十七年十二月中西醫診治人

數及比較表

專著門

靈素生理新論 楊如侯先生著 續四十六期

新編傷寒學 費夢琴先生著 續四十六期

論說門

陽明與太陰相表裏解 趙意空

心與小腸相表裏淺釋 鄭霞仙

中西醫總論第一綱生理門 陳澤東

述傷寒六經各家異義 劉景素

第四十七期 目錄

纂述門

梅毒為民族衰頹之原因說 楊煥文
中國醫學沿革概論 續 前人

〔生理類〕

論體溫 趙意空

內經論臟腑與近代所論 不同 楊星垣

〔衛生類〕


論個人衛生與公共衛生 趙意空

講衛生可以除疾病論 楊星垣

〔病理類〕

驚悸辨治 楊煥文

燥氣之研究 邱明揚



〔診治類〕

〔診類〕

陽明熱病脈反沈澀少陰寒症脈反

絃搏說

鄭霞仙

〔治類〕

治病序例 續四十六期

論消渴之原因及治法

張錫純

治實熱老痰

楊星垣

寸白蟲治驗

邱明揚

肺癆之鑒別與治方

錄晉陽報

〔方劑類〕

溫熱方劑篇 續四十六期

楊煥文

吳鞠通增液承氣湯論

鄭霞仙

風溫經驗方

沈仲圭

醫案門

醫案平議 續四十六期

張山雷

通訊門

本會覆

南京特別市中醫公會
上海特別市中醫協會
松江中醫協會
廣州杏林醫學月報社
山東醫藥總會

本會覆鄭霞仙君

本會覆邱明揚君

雜俎門

俞跗

星期徵稿選刊

問三焦

李瑞蘭

問生理衛生之學西詳中畧然乎

米 昀

本會增聘理事

郭金堂 鎔甫 渾源人

李瑞蘭 香晚 榮河人

張炳南 勵卿 屯留人

本會增聘名譽理事



陳澤東 天津中醫學會會長

劉景素 冕堂 奉天城內石頭市煥休中醫學社

鄭錫雲 霞仙 浙江蘭溪縣後北里徐齊巷右首第四家

邱明揚 四川梁山縣縣立初級中學校

中醫改進研究會附設醫院十一月份中西醫逐日診治人數比較表



專著門

靈素生理新論

楊如侯先生著續四十六期

第十一章 外形篇九

第一節 論十二經之流注

人身之脈。有陰有陽。經脈爲陰。動脈也。絡脈爲陽。靜脈也。經脈之外有絡脈。絡脈之外有孫絡。孫絡者。毛細管也。徑直而周於身者爲經。橫行而左右環繞者爲絡。與皮膚相連。在毛竅之內者爲孫絡。絡脈之血起於胞中。自胞中由衝任二脈。熱肉充膚。澹滲皮毛。皮毛而外。肺氣主之。皮毛之內。肝血主之。此皮膚之血也。經脈之血起於中焦。中焦其氣如瀉。行於經隧。上注谿谷。而內養其筋。外榮其脈。津液和調。奉心化赤。此經隧之血也。則手厥陰心包主之。經脈之血由內而外。溢於孫絡。孫絡之血由外而內。歸於經脈。其交點於何徵之乎。曰十二經之皆出於井。流

於榮。行於經。入於合者。乃皮膚之氣。血溜於脈中。而於經脈之血氣。合於肘膝之間者也。是以十二經所出所溜所行前經所合各有定處焉。試備述於後。

手太陰肺經

少商二穴。此手太陰脈之所出爲井。

魚際二穴。此手太陰脈之所流爲榮。

太淵二穴。此手太陰脈之所注爲腧。

經渠二穴。此手太陰脈之所行爲經。

尺澤二穴。此手太陰脈之所入爲合。

手陽明大腸經

商陽二穴。此手陽明脈之所出爲井。

間谷二穴。一名二間此手陽明脈之所流爲榮。

少谷二穴。一名三間此手陽明脈之所注爲腧。

合谷二穴。虎一名此手陽明脈之所過為原。

陽谿二穴。中一名此手陽明脈之所行為經。

曲池二穴。此手陽明脈之所入為合。

足陽明胃經

厲兌二穴。此足陽明脈之所出為井。

內庭二穴。此足陽明脈之所流為榮。

陷谷二穴。此足陽明脈之所注為腧。

衝陽二穴。此足陽明脈之所過為原。

解谿二穴。此足陽明脈之所行為經。

三里二穴。此足陽明脈之所入為合。

足太陰脾經

隱白二穴。此足太陰脈之所出為井。

第四十七期 專著門

四

大都二穴。此足太陰脈之所海爲榮。
 太白二穴。此足太陰脈之所注爲腧。
 商邱二穴。此足太陰脈之所行爲經。
 陰陵泉二穴。此足太陰脈之所入爲合。

手少陰心經

少衝二穴。此手少陰脈之所出爲井。
 少府二穴。此手少陰脈之所流爲榮。
 神門二穴。此手少陰脈之所注爲腧。
其經於掌後腕骨（李挺）之端神門穴是也。
 靈道二穴。此手少陰脈之所行爲經。
 少海二穴。此手少陰脈之所入爲合。

內經言其外經堅而邪不能入者飲少取

手太陽小腸經

少澤二穴。此手太陽脈之所出爲井。

前谷二穴。此手太陽脈之所流爲榮。

後谿二穴。此手太陽脈之所注爲腧。

腕骨二穴。此手太陽脈之所過爲原。

陽谷二穴。此手太陽脈之所行爲經。

小海二穴。此手太陽脈之所入爲合。

足太陽膀胱經

至陰二穴。此足太陽脈之所出爲井。

通谷二穴。此足太陽脈之所流爲榮。

束骨二穴。此足太陽脈之所注爲腧。

京骨二穴。此足太陽脈之所過爲原。

崑崙二穴。此足太陽脈之所行爲經。

第四十七期 專著門

委中二穴。此足太陽脈之所入爲合。
足少陰腎經

涌泉二穴。此足少陰脈之所出爲井。

然谷二穴。此足少陰脈之所流爲榮。

太谿二穴。此足少陰脈之所注爲腧。

復溜二穴。此足少陰脈之所行爲經。

陰谷二穴。此足少陰脈之所入爲合。

手厥陰心包絡經

中衝二穴。此手厥陰脈之所出爲井。

勞宮二穴。此手厥陰脈之所流爲榮。

太陵二穴。此手厥陰脈之所注爲腧。

間使二穴。此手厥陰脈之所行爲經。

曲澤二穴。此手厥脈之所入爲合。

手少陽三焦經

關衝二穴。此手少陽脈之所出爲井。

液門二穴。此手少陽脈之所流爲榮。

中渚二穴。此手少陽脈之所注爲腧。

陽池二穴。此手少陽脈之所過爲原。

支溝二穴。此手少陽脈之所行爲經。

天井二穴。此手少陽脈之所入爲合。

足少陽膽經

竅陰二穴。此足少陽脈之所出爲井。

俠谿二穴。此足少陽脈之所流爲榮。

臨泣二穴。此足少陽脈之所注爲腧。

第四十七期 專者門

邱墟二穴。此足少陽脈之所過爲原。

陽輔二穴。此足少陽脈之所行爲經。

陽陵泉二穴。此足少陽脈之所入爲合。

足厥陰肝經

大敦二穴。此足厥陰脈之所爲出井。

竹間二穴。此足厥陰脈之所流爲榮。

太衝二穴。此足厥陰脈之所注爲腧。

中封二穴。此足厥陰脈之所行爲經。

曲泉二穴。此足厥陰脈之所入爲合。

第二節 論十二經之根結

根結者。十二經穴道之根結也。穴在下者爲根。穴在上者爲結。手足六陰六陽之根結。爲百體之關樞。不可不察也。故經曰。不知根結。五臟六腑。折關敗樞。開闔而

走。陽陰大失。不可復取。是以古之九鍼家。欲知陰陽標本。必先審根結本末。而後開闔樞之淺深出入。斯能得其要。若舍此根結。無從窺測矣。此六陰六陽之根結。所以為開闔樞之機殼也。請舉經以明之。

太陽根於至陰。結於命門。命門者目也。足太陽下者根於至陰。穴上者結於睛明。大故曰命門者目也。兩目之間是為上命

門。藏精光照之所道。家所謂玄壯之門也。陽明根於厲兌。結於頰大。頰大者。鉗耳也。足陽明下者根於厲兌。厲兌上者結於承

泣。今日頰大者。意謂頰額之上。大迎穴也。少陽根於竅陰。結於窗籠。窗籠者耳中

也。足少陽下者根於竅陰。上者結於窗籠。耳中者乃手太陽通氣於上。故曰窗

也。陽手太陽之會。故足少陽結於此。張隱菴曰。人之耳如窗之通氣於上。故曰窗

中也。耳太陽為開。陽明為闔。少陽為樞。以上此也。三陽有表裏之分。太陽為開。謂

陽氣發於外。為三陽之表也。陽明為闔。謂陽氣蓄於內。為三陽之裏也。少陽為樞

謂陽氣在表裏之間。可出可入。如轉樞也。經分三陽為開闔樞者。所以明三陽有

表裏。及表裏之間。各有其界也。太陰於根於隱白。結於太倉。足太陰下者根於隱

倉。即中脘。任脈穴也。少陰根於湧泉。結於廉泉。足少陰下者根於湧泉。上者結於廉

第四十七期 專著門

十

於大敦。結於玉英。絡於臚中。足厥陰下者根於大敦。上者結於玉英。玉英即玉堂。在華蓋紫宮之下。臚中之上。亦任脈穴也。太
 陽為開。厥陰為闔。少陰為樞。以上經義。此言三陰亦有表裏之分。太陰為開。居陰分之
 表。厥陰為闔。居陰分之裏。少陰為樞。居陰分之中。開者主出。闔者主入。樞者主出
 入之間。與三陽之義同也。

以上所述十二經之根結為開闔與樞之機設如此。若夫六陽盛絡。又為鍼家所
 當取者。不可略也。

足太陽。根於至陰。溜於京骨。注於崑崙。入於天柱。飛揚也。足太陽之至陰井也。天柱
 在頭。飛揚在足。皆本經所當取者。後做此。

足少陽。根於竅陰。溜於丘墟。注於陽輔。入於天容。光明也。足少陽之竅陰井也。天容
 乃手少陰經穴。此言足少陽經穴之在頭者。當為天衝。在足者。為光明也。

足陽明。根於厲兌。溜於衝陽。注於下陵。入於人迎。豐隆也。足陽明之厲兌井也。衝
 經也。人迎在頭。豐隆在足。

手太陽根於少澤。溜於陽谷。注於小海。入於天窗。支正也。手太陽之少澤井也。陽谷也。小海合也。天窗

正在頭支

手少陽根於關衝。溜於陽池。注於支溝。入於天鴈外關也。手少陽之關衝井也。陽池也。支溝經也。天鴈

正在頭外

手陽明根於商陽。溜於合谷。注於陽谿。入於扶突。偏歷也。手陽明之商陽井也。合谷也。陽谿經也。扶突

正在頭偏

此所謂十二經盛絡。鍼家皆當取之也。蓋陰陽之根結溜注。入者形。陰陽之為關。為閭。為樞者氣。苟昧於形氣之有餘不足。又烏能審五藏變化之病耶。

新編傷寒學

費夢暉先生著 續四十六期

〔例言一〕

傷寒論本有二。一為宗治平中高保衡等校定本。一為金成無已註解本。茲編原文。悉據宋版。旁取玉函成本千金外臺金鑑及各家註本以為左證。其文理舛錯

處。不能不修改者。務必審慎周詳。毋乖原義。爲之修正。其有條理抵牾。字句鈎棘。實非索解者。未敢妄爲穿鑿。亦且不勝修正。另列一篇附後。

傷寒金匱。本爲一書。仲景自序云。作傷寒卒病論合十六卷。徒以後人分而改題之。於是十六卷原書不可復覩。觀金匱瘧濕喝病脈證治篇條文。冠以太陽病三字。益知瘧濕喝篇應列在陽寒論範圍也。故茲編採以補入。其他金匱中文。有足以補充傷寒論原文者。間亦節取一二。錄以補入。而條下特標「金匱」兩字。以明之。傷寒論原書既不可復覩。叔和編次。又非完善。茲編爲便於醫校講授。適合課本體裁。隸爲二十四篇。無非依原文意義。畫分段落而歸納之。而二十四篇前後次序。則一氣貫注。毫不紊亂。故全書目爲一大篇。亦未始不可。若謂爲好稱新奇。故事更張。則余不敏。竊未敢承。我人讀書。無非明理致用。理不明。讀與不讀等。况前輩如方有執。喻嘉言。柯韻伯等。先已啓其端乎。

論中原文屬乎概舉其義者。列爲首篇。其次除太陽陽明少陽太陰少陰厥陰六

經病篇外。其間復雜以桂枝麻黃白虎承氣柴胡附子症篇者。乃仿柯琴例。將重要方症單獨論列也。然傷寒論方有百餘。此六者何能賅括。故復雜以痙濕暍結胸痞氣藏結停飲發黃血結厥逆諸症篇以補充之。他若可述於六經病內者。如吐症歸納於陽明病利症歸納於少陰病等是。無煩另列也。合病併病。多指三陽而言。故列於三陽病後。表裡虛症與治逆變症。成於三陽病者多。故列於三陰病前。霍亂症陰陽俱有。故列於六經病後。而以差後諸病殿最後也。此二十四篇分隸程次之用意。

平脈法辨脈法及諸可與不可等篇。非仲景原文。王履澗洄集曾已言之。而傷寒例一篇。屢以爲仲景原文。非也。傷寒例中有云。『今世人傷寒。或始不早治。或治不對症。或數日久淹。困乃告醫。醫又不依次第治之。則不中病。皆宜臨時消息制方。無不效也。今搜探仲景舊論。錄其證候。診脈聲色。對病真方。有神驗者。擬防世急也。』豈非叔和手筆之明證乎。故余以爲平脈辨脈傷寒例及諸可與不可等

篇。悉爲叔和手筆。斷非仲景原文。惟其間非無精要可取處。似未便一概抹煞。故茲編特錄其精要。列爲補篇。用以補充正文。

薊溪黃氏傷寒類症辨惑曰。仲景之書。六經至勞復而已。其間具三百九十七法。一百一十二方。纖悉具備。有條而不紊也。按三百九十七法。一百一十二方。爲成無已註本嚴器之序中語。殊屬謬談。而後人宗之。並將禹餘糧丸〔原方闕〕算入。謂爲一百一十三方。所謂三百九十七法。蓋卽成本除去平脉辨脉傷寒例及諸可與不可等篇計之。得三百九十七節原文也。殊不知仲景撰傷寒卒病論合十六卷。今所傳金匱亦在其中。豈得以三百九十七法一百一十三方圍之。况三百九十七節。亦非一節是一法。何得云三百九十七法。此種妄談。學者不可從也。從來考古方權量者。人各言殊。大半誤以漢制當之耳。豈知經方傳於仲景。而不自仲景始。外臺卷一。謂桂枝湯爲岐伯授黃帝之方。而分兩與傷寒論悉同。可見經方傳自上古。所用權量。亦上古制。非漢制也。千金備詳神農秤及古藥升之制。

蓋古醫權用神農。量用藥升。於一代常用權量外。自成一例。仲景而下。訖於外臺。所集漢晉宋齊諸方皆然。迨隋唐人並用大兩大升。而後世制方。遂有隨代爲輕重者。此古權量所由湮也。清王樸莊所考。宗法千金。參以考訂。定爲古一兩準今七分六厘。古一升準今六勺七抄。洵不刊之論。無間然矣。其書載唐笠山吳醫彙講中。

原文中將二條合併爲一。並加修正者。凡二。其一爲〔四〕麻黃症篇第六條。原文爲「發汗後不可更行桂枝湯。汗出而喘。無大熱者。可與麻黃杏仁甘草石膏湯。」及「下後不可更行桂枝湯。若汗出而喘。無大熱者。可與麻黃杏仁甘草石膏湯。」二條。茲編合併修正爲一條曰。「無汗而喘。大熱者。可與麻黃杏仁甘草石膏湯。」〔理由〕汗後表症未除。仍可更行桂枝湯。下後表症仍在。桂枝湯亦可在用。凡此仲景明文自在。何得云汗下後不可更行桂枝湯。推其意無非謂宜用麻杏甘石症。不可更行桂枝湯以誤治之也。無裨經旨。徒惑後人。故將該二條舊句一併

刪去。下文則二條無異。可合併之。惟細按原文。方症不符。既有汗出。何得用麻黃。既無大熱。又何得用石膏。昔柯琴已言之。並謂原文無大熱之無字。應在汗字之上。方症始合。可謂卓見之談。茲即根據柯氏爲之修正。其二爲「十四」合病併病篇第六條。原文爲「三陽合病。脈浮大。上關上。但欲眠睡。目合則汗。」及「三陽合病。腹滿身重。難以轉側。口不仁而圻。譫語遺尿。發汗則譫語。下之則額上生汗。手足逆冷。若自汗出者。白虎湯主之。」二條。茲編合併修正爲一條曰「三陽合病。脈浮大。上關上。但欲眠睡。目合則汗。或自汗出。腹滿身重。難以轉側。口不仁而面圻。譫語遺尿。白虎湯主之。若發汗則譫語甚。下之則額上生汗。手足逆冷。」「理由」兩條均爲三陽合病。前條脈症。爲後條所無。後條主方。爲前條所缺。實則互爲發明。而宋板原文將前後兩條分列於陽明少陽篇中。以致引起常器之龐安時輩之誤會。叔和編次。實不能辭其咎也。今合併爲一。並加修正。俾經義曉然。其中

而字甚字據
據玉函加正

原文中將一條分裂爲二。並加修正者。凡二。其一爲原文「太陽病十日以去。脈浮細而嗜臥者。外已解也。設胸滿脇痛者。與小柴胡湯。脈但浮者。與麻黃湯。」茲將該條文前四句編入〔二〕太陽病篇。〔十四條是〕其中十日以去句之去字。疑上字之訛。特如修正。又將該條文中二句編入〔十三〕柴胡症篇。〔三條是〕惟該條文末二句則刪去。因原文已有脈浮者病在表可發汗宜麻黃湯之文也。〔見附篇中〕其二爲原文「傷寒十餘日。熱結在裡。腹往來寒熱者。與大柴胡湯。但結胸無大熱者。此爲水結在胸脇也。但頭微汗出者。大陷胸湯主之。」茲將該條文前半節四句編入〔十二〕柴胡症篇。〔七條是〕後半節四句編入〔八〕結胸痞氣藏結篇。〔四條是〕並據柯琴本將二三兩句移易修正。

古時倒筆法。讀者不知。反生誤解。不如正之。以期醒豁。計凡有八。如〔三〕桂枝症篇中第十一條宜桂枝湯句。〔四〕麻黃症篇中第二三兩條麻黃湯主之句。〔七〕停飲篇中第八條小青龍湯主之句。〔十〕承氣症篇中第六條大承氣湯下之句。

及七八兩條宜大承氣湯句。〔二十一〕厥陰病篇中第六條此肝乘肺也名曰橫刺期門三句。凡此各句。宋版原文悉位於每條之末。茲特一一爲之症。〔理由〕蓋麻桂二方用以解表。非見衄後復用麻桂之劑也。衄家不可汗。仲景有明文。〔見太陽病篇七條〕此其一。服湯已渴者。此寒去欲解也。明指服小青龍湯後。病得解而言。並非服別湯而渴。復以小青龍湯主之也。此其二。能食者便硬。燥屎未甚。是不宜承氣下之也。復微瀉。初頭硬後必溏。不可攻之。明謂裏未成實者。不宜承氣也。下之若早。語言必亂。乃謂不應下而早投承氣。徒傷其陽也。此其三。自汗出。小便利。其病欲解。明指刺期門後。病得解而言。並非汗出小便利。復刺期門也。此其四。又若原文桂枝二越婢一湯條。〔見附篇五條〕索解人不得。吾恐亦是倒筆法。設將宜桂枝二越婢一湯句。移於熱多寒少句下。卽覺可解矣。茲因編列附篇。故存其舊。未爲之正。

論說明

陽明與太陰相表裏解

趙意空

萬物入土。由腐敗而化分。由化分而吸收。由吸收而生殖。以營新陳代謝之循環作用者。賴有地心之火耳。地心火力極大。掘地愈深。則溫度遞增。若掘至三千英尺。其熱可增至三千度。地心既有此絕大火力。故又必有特別之水量。以溫潤之。斯地殼不致有解裂之患。此種水量。名曰地中水。礦泉之屬是也。然後水火既濟。故地球得保持永久。

推之於人。人腹中亦如地心。具有特熱。剖開腹腔。其熱甚至不能置手。內經謂此種熱度。名曰陽明之氣。其氣寄托於胃及大腸。而又有濡養此火之水分。名曰太陰之氣。其氣寄托於脾肺。陽明火盛。則有棄衣登高罵詈之證。太陰濕勝。則有胸滿壅脹之證。或瀉其火。或燥其濕。愈疾之道。不遇求生理現狀之持平而已。地中

水火既有之盈彼胸之義。故人身水火亦互為消長。此與陽明太陰相表裏也。若陽明不足者。宜補陽明以配太陰。若陽明本足而太陰有餘者。又當瀉太陰以配陽明。觀西醫治蠱脹。剖腹放水之後。多病去而命亦隨亡。是不知水所從生也。我國醫經。陰陽表裏之道。實窮極造物之妙用。故泰西醫學。科學也。而中國醫學。既具有科學之原則。復涵有哲學之精義。則科學中之哲學矣。

心與小腸相為表裏淺釋

名譽理事 鄭霞仙

概自西人學說輸灌亞東。論醫學者。見異思遷。喜新厭故。徒羨其器械之精良。剖割之細密。詫為神奇。遂爾弁髦舊醫。棄若敝屣。孰知其所謂新奇之說。早已在舊說包括之中。特古籍簡畧。言之不詳耳。苟其經驗豐富。研究功深。一經闡發。未有不同符合撰者。此可得而言也。內經謂心與小腸相為表裏。驟觀之似覺迂遠。蓋心在上焦。小腸居下焦。距離較遠。豈可聯為一氣。註家惟以丙火丁火牽強作解。胡足為訓。試讀新生理書。小腸內多吸液管。凡食物由胃至小腸頭。漸落漸榨。榨

出精液。衆管吸之。運入總管。即變爲血。此即經言化物出焉之徑道也。營衛交會。篇曰。中焦取汁。即取此化物所出之汁也。此汁入大靜脈。過心入肺。受氣化赤。以奉心藏。故小腸爲心之府。奉心之血。實本於小腸之液。謂爲表裏。不亦宜乎。此則三千年前。古人已不啻明告之。毋待西人表發耳。將秦火之餘。古書留存殘缺不完。漸以失傳。而他山之玉。可以攻錯。實未見其能後來居上也。

中西醫總論第一綱生理門

續四十六期

名譽理事

陳澤東

素問陰陽應象論

岐伯對曰。東方生風。風生木。木生酸。酸生肝。肝生筋。筋生心。肝主目。

〔註〕風爲木之氣。應春令之生氣。在人身應足厥陰肝。肝屬木。木曰曲直。味作酸。故酸生肝。筋與木同性。故肝生筋。心爲柔細之筋絲結成。故筋生心。厥陰之支絡。由顛頂入腦。目珠是五陰之精華所灌注。循厥陰之絡。上輸於腦。以達於目。故肝主目。

又曰南方生熱。熱生火。火生苦。苦生心。心生血。血生脾。心主舌。

〔註〕熱爲火之氣。應正夏之長上聲氣。在人身應手少陰心。心屬火。火曰炎上。味作苦。故苦生心。血與火同形。故心生血。脾屬土而統血。火之熱可助運化之力。故血生脾。手少陰之絡繫舌本。故心主舌。

又曰中央生溼。溼生土。土生甘。甘生脾。脾生肉。肉生肺。脾主口。

〔註〕溼爲土之氣。應長夏之化氣。在人身應足太陰脾。脾屬土。土生稼穡。味作甘。故甘生脾。脾抱胃動搖。消化水穀。溫壯肌肉。故脾生肉。運化之津液上輸於肺。故肉生肺。脾脈榮唇。故脾主口。

又曰西方生燥。燥生金。金生辛。辛生肺。肺生皮毛。皮毛生腎。肺主鼻。

〔註〕燥爲金之氣。應秋令之收氣。在人身應手太陰肺。肺屬金。金曰從革。味作辛。故辛生肺。肺化之津液。外榮皮毛。肉輸腎水。故肺生皮毛。皮毛生腎。天之清氣。由鼻吸入。注布於肺。故肺主鼻。

又曰北方生寒。寒生水。水生鹹。鹹生腎。腎生骨髓。髓生肝。腎主耳。

〔註〕寒爲水之氣。應冬令之藏氣。在人身應足少陰腎。腎屬水。水曰潤下。味作鹹。故鹹生腎。髓爲腎之精。灌注骨內。故腎生骨髓。肝性燥。憑腎水涵潤之液以養之。故髓生肝。少陽之脈榮於耳。少陽之火根於命門。命門火者。腎之氣也。故腎主耳。

以上所言之五味。皆言天地所生之味。與人五藏自有之五味相合。故可生五藏也。

素問靈蘭秘典論 此篇係言人身之靈明作用。屬力能一類。另註之。茲不贅靈樞經脈篇

黃帝曰。人始生。先成精。精成而腦髓生。骨爲幹。脈爲營。筋爲剛。肉爲牆。皮膚堅而毛髮長。穀入於胃。脈道以通。血氣乃行。

〔註〕將言十二經。先言精與腦。舉始生之理。以總貫下文也。夫陰陽之精合。

而人體成。嫩稚渾合。形狀不分。先搏結者爲腦。是先天之靈冰也。故人記憶之力皆屬於腦。腦之所司。乃心之外府也。知覺靈明之作用。有自內而外者。有自外而內者。自內而外者。心欲爲而後爲者。是由心傳腦也。心不明而有卒來之觸動者。是由腦傳心也。總而言之。心與腦皆主人生之靈明。但心爲主。腦爲使也。心主內。陽主外也。西醫謂知覺神經皆屬於陽。不屬於心。是和其一不知其二。

又按腦之精神屬於心。腦之精力屬於腎。故腎虛則頭眩而神衰。腎之髓由脊上輸於腦。故腦之精力屬於腎也。蓋人五藏之根蒂。皆通於脊髓。由大杼下。數第三節內之下是肺系。第五節內之下是心系。第九節內之下是肝系。第十一節內之下是脾系。第十四節內之下是腎系。是五藏之系。皆貼於脊骨。通於脊髓。故五藏之知覺痛癢。皆有關於腦。不獨心藏爲然也。

人身支持之力在骨。故曰骨爲幹。榮養之力在血。故曰脉爲營。連繫伸縮之力在筋。故曰筋爲剛。包裹筋骨之力在肉。故曰肉爲牆。腦髓筋骨血肉全備。故能皮膚堅強。毛髮盛長也。然生長之資料在飲食。故曰穀入於胃。脈道以通。血氣乃行也。剛與綱同。

首段先言人身全體之物。總列大概。下文又分言十二經也。是言人身結構之體骸。不可以文法之體格觀也。

述傷寒六經各家異義

名譽 劉景素

竊謂傷寒一症。最爲繁賾。就廣義言之。如難經五十八難曰。傷寒有五。有中風。有傷寒。有濕溫。有熱病。有溫病矣。就狹義言之。由小雪大雪冬至小寒。此六十日爲正傷寒之期。際此而病者。方可名之曰傷寒也。雖時腎章太炎先生之確論。素以爲廣義之傷寒者。渾稱感證。多因表受寒邪而發者也。狹義之傷寒者。諒由吳葉以溫病多而傷寒少。方有狹義傷寒之說歟。西醫對於傷寒。譯名小腸壞病。東醫

對於傷寒。名賜望扶斯。要同以桿菌蔓延。爲政病之大因也。但西醫詳叙傷寒分三週病型。第一週頭痛寒熱。似中說之太陽證。第二週高熱不退。譫語便結。似中說之陽明府證。第三週熱甚弛張。心機衰弱。似中說之少陰證。以視夫中醫之傷寒以三陰三陽爲紀。殆默寓以天之六氣。與人之六經。有感應之關係。豈僅以六經鈐百病而已耶。然試就柯韻伯六經病之提綱言之。如太陽之爲病。脈浮頭項強痛而惡寒。陽明之爲病。胃家實。少陽之爲病。口苦咽乾目眩。太陰之爲病。腹滿而吐。食不下。自利益甚。少陰之爲病。脈沉而微細。但欲寐。厥陰之爲病。消渴氣上衝心。心中疼熱。飢不欲食。食即吐衄。愚以爲此不過每篇第一節發端之辭。不足指爲提綱也。日人喜多村之言六經也。謂本經無六經字面。所謂三陰三陽。不過假以標表裏寒熱虛實之義。固非臟腑經絡相配之謂也。三陰三陽者。又所以標病位也。陽剛陰柔。陽動陰靜。陽熱陰寒。陽實陰虛。凡病屬陽屬熱屬實者。謂之三陽。屬陰屬寒屬虛者。謂之三陰。細而析之。則邪在表面熱實者太陽也。邪在半表

半裏而熱實者少陽也。邪入胃而熱實者陽明也。又邪在表而虛寒者少陰也。邪在半表裏而虛寒者厥陰也。邪入胃而虛寒者太陰也。若表熱甚則裏亦化熱。故裏雖熱而病未入胃。尙屬之太陽。表寒甚則裏亦化寒。故裏雖寒而病未入胃。尙屬之少陰。究之少陽與厥陰共病。羈留於半表裏間之代名詞也。故不論表裏寒熱。病總胃中者。謂之陽明太陰。蓋六病之次。陽則太陽少陽陽明。陰則少陰厥陰太陰。但陽則動而相傳。陰則靜而不傳。然其傳變則太陽與少陰爲表裏。少陽與厥陰爲表裏。陽明與太陰爲表裏。是以太陽虛則是少陰。少陰實則是太陽。少陽虛則是厥陰。厥陰實則是少陽。陽明虛則是太陰。太陰實則是陽明。乃病傳變化之定理。三陰三陽之大略也。云云。再證諸華陀千金引。其說云。凡傷寒一日在皮。二日在膚。三日在肌。四日在胸。五日在腹。六日在胃。亦是分六層以紀病之表裏之次也。由是而知六經者。就入體所著之病狀。名其界限之符號也。彼靈樞經脈篇所謂足太陽起於目內眥。上額交巔挾脊下行。終於小趾等等。諸經脈稱雖爲

六經。或名爲十二經。實非仲景所叙傷寒六經病之謂也。翳古之賢哲。每以靈樞經脈篇之六經。認爲傷寒病局。亦屬此六經。殊不識靈樞爲王冰襲甲乙經變相之僞作。復不識傷寒六經爲區分外感病狀各種局勢之代名詞。可慨也夫。幸得東醫薪傳之精論。庶六經之理。可大白於醫林也已。所可異者。醫論選卷五。陸君平一述其家君之言。謂傷寒分經論病。實開萬世之蒙。是說也。其然豈其然乎。

梅毒爲民族衰頹之原因說

理 事

楊煥文

欲求民族之進步。須設法減少社會上之族病。如自殺瘋癩梅毒等。而三者之中。梅毒爲禍尤烈。益其害不僅在本身。或傳染於家族。且並遺傳染於後代子孫。其危險情形。在斯賓塞羣學肄言中。已經論及。後之學者。群起研究。法國福納爾教授爲患梅毒之男子四千四百人中。病之影響及於腦者。不下七百八十五人。如經別部神經系統之受損傷者。統計而言之。則不下一千六百五十二人。梅毒一經入腦或神經之後。便成危險症候。往往智慧衰退。或竟至於死。又俄國泰諾斯

基教授曾研究二十五家患梅毒之人。生產之子女多流產或死產及夭亡。謂梅毒在第二代子嗣間往往不能免除。多數僅得一時期之平安。久後不免復發。福氏又調查過九十個女子結婚之後。從其夫傳染梅毒。後來五十人是小產。三十人嬰兒夭亡。九十人中照常生育者僅有二人。又愛替安博士。謂見一健康女子與患先天性梅毒之男子結婚。生育十四胎。死胎六。有大腦病者五。愚笨者一。牙齒發育不良者二。綜此以觀。梅毒影響於後代人種既如此之烈。欲求民族之健強。非使青年男女能自管理其身體。有正確的處世觀念不可。國家強弱。種族存滅。大有關係。所望教育家與醫學家先是而預防之。

中國醫學沿革概論

續四十六期

理學 楊煥文

仲景之醫學

我國醫學。於漢代為極盛。蓋以仲景之書。集群聖之大成。垂百代以軌範。仲景因建安十年間。宗族死亡者過半。傷寒居其七。迺著傷寒論。引陰陽大論春溫夏暑。

秋涼多冷爲四時正氣之說。以爲傷於四時之氣。皆能爲病。不過以傷寒爲最厲耳。冬時嚴寒。中而卽病者。名曰傷寒。不卽病者。寒毒藏於肌膚。至春變爲溫病。至夏變爲暑病。又引素問熱病皆傷寒之類。及人之傷於寒也。則爲熱病。五百餘言。爲傷寒數部。著論二十二篇。證外合三百九十七法。一百一十三方。皆推本素靈之精義。其書雖論傷寒。而百病俱在其中。內而藏府外而形身。以及血氣之生始。經俞之會通。神機之出入。陰陽之變易。六氣之循環。五運之生制。上下之交合。水火之相濟。熱實寒虛。溫清補瀉。無不悉備。疾病千端。治法萬變。皆統於六經之中。故讀靈素難經。當於傷寒求其實用。然仲景之撰用素問八十一難。毫無迹象可尋。苟非仲景自言。後人直不知之。爰探索而討論於左。

脈法 傷寒論言脈。每以寸口與趺陽少陰並舉。又自序云。按寸不及尺。握手不及足。人迎趺陽三部不參等語。是遍求法。所謂撰用素問九卷是也。然論中言脈。不與趺陽少陰並舉者尤多。是獨取寸口法。所謂撰用八十一難是也。

治法

內經至真要大論云。微者逆之。甚者從之。又曰逆者正治。從者反治。又曰塞因塞用。通因通用。爲治法之本。傷寒論中三陽証。麻桂解表。青龍愈煩。無汗者以麻桂發汗。裏熱者以石膏清熱。藥與病相反。皆微者逆之。正始法也。少陰病發熱。輒用附子。藥與病相類。乃甚者從之。反法治也。熱結旁流。而反下之。通因通用法也。氣滿腹脹。而反補之。塞因塞用法也。由此類推。傷寒一百一十三方。無不可以概括於內經治法中云。(未完)

纂述門

(生理類)

論體溫

趙意空

人在天地氣交之中。吸天之氣。食地之味。以化生體溫。是則人體溫度。與天地氣化。有密切之關係。生理學家謂人體溫度。以攝氏表三十七度為率。高則身熱。低則身寒。故人身生熱作用以外。又有散熱之機能。散熱之器官。一曰皮膚。二曰肺臟。皮膚之放射體溫。具有微妙之調節機能。外圍氣溫低時。則皮膚之血管收縮。不使溫暖血液。接近外氣。體溫之放射自然節減。若氣溫高時。皮膚之血管擴張。引多量之血液於表面。水分之蒸發自易。體溫之放射逐多。夫皮膚者。衛氣之部也。皮膚之調節機能。則衛氣之作用也。故經曰。天溫日明。則人血淖液。而衛氣浮。天寒日陰。則人血凝泣。而衛氣沉。此種浮沉作用。即所以調節適當之溫度也。至

肺臟之呼吸。尤有直接關係。天空之養氣。由肺吸入人體。與血液中之炭氣。化合生熱。以溫養百骸。化合以後。則成爲炭酸氣。而乎出。呼出之氣。多炭酸氣。與水氣。此二質。由身內之各質而得。身內各質。因運動排泄之故。曰有耗費之補充。則賴於飲食。人不飲食。則身內各質。日以耗減。先耗油質。油盡用肉。肉盡用筋。與血。然後生熱之材料絕而死矣。故口食味。以養陰。鼻食氣。以養陽。斷不能一時或失也。

內經所論臟腑與近代醫家種種之不同

理事

楊星垣

內經之論臟腑也。一曰五臟。心肝脾肺腎。一曰六腑。膽胃大腸小腸三焦膀胱。所謂臟者。藏精液而不泄。故名之曰藏。所謂腑者。傳糟粕而不泄。故名之曰腑。後世業醫家。奉爲金科玉律。誠千秋不刊之論也。而近代西醫之論臟腑。則以肺主呼吸。稱爲呼吸器。以胃肝胆大腸小腸主消化也。稱爲消化器。以腎與膀胱主泌尿也。稱爲泌尿器。呼吸器也。消化器也。泌尿器也。要皆由實驗而得此名。且經數十國數百年數千萬次之解剖實驗。毫無疑義者也。舉以上所列內經中所謂三焦。

西醫無此名目。所稱上焦中焦下焦。與西醫所稱上腸部中腸部下腸部相似而名不同。茲姑不具論。脾臟在胃肝之後。開口於十二指腸。其生理的作用。能分泌以消化蛋白。能分泌以乳化石肪。能分泌以乳化石澱粉。又能分泌醱酵素令乳凝固。其關係何等重固。而內經不載於臟腑之列。至難經始稱有散膏半斤云云。內經又論五臟之位置。曰心位於南。腎位於北。肝位於左。肺位於右。脾位於中。按之今日之解剖實驗。則皆不盡然也。內經又論五臟之應陰陽五行四時六氣曰。肝屬木。王於春。心屬火。王於夏。脾屬土。王於四時。亦名長夏。肺屬金。王於秋。腎屬水。王於冬。風氣通於肝。熱氣通於心。濕氣通於脾。寒氣通於腎。臟爲陰。腑爲陽。近世醫學之論五臟也。雖無陰陽五行四時六氣等近於迷信者之空論。然其研究生理作用也。應用理化學行種種實驗。殊詳盡無遺憾。姑不深論。但吾欲一言者。近世醫學之論脾也。以爲脾之生理作用。第一爲製造白血球。第二爲破壞赤血球。雖頗重要。然白血球之製造。則淋巴骨髓能任其勞。赤血球之破壞。則肝中胆汁

酸能完其功。據此理由。醫學家曾將動物之脾。試驗摘出。該動物不因脾臟之摘出。而害其健康。外科醫士又驗之於人。因該病人患脾病。非服藥所能愈。故將脾摘出。亦不見其害焉。然則脾之一臟。在可有可時之數歟。以五臟應五行而論。脾屬於土。無脾即無土。而五行缺一矣。又將何以相生。何以相尅哉。

(衛生類)

論個人衛生與公共衛生

趙意空

自來論衛生者。有個人公共二派。前者謂個人之修養。爲最可恃之康健。後者謂爲公共合作。始能得真康健。並舉疫癘流行。全家或全村同時染疫。以爲疫氣流傳。中人卽病。無論個人衛生。平日如何講求。身體如何鍛鍊。皆不足禦其毒。爲之証。然衛生之目的。既爲防止疾病。而疾病之原因。有內外二者。內因爲身體內部素質薄弱之謂。外因爲細菌傳染。內外因全備。然後疾病始生。若只有外因而無內因。不能遽生疾病。傳染病中。此例尤多。若內因已具。外因雖弱。一觸卽病。是

則內因之關係大於外因。故吾人須注重個人衛生。鍛鍊身體。以抵抗疾病之侵襲。又須注意公共衛生。以免病原之傳播。庶於個人健康。民族生存。兩有益焉。

講衛生可以除疾病論

理事

楊星垣

噫今日值二十世紀文明時。凡酷愛時派醉心歐化者。咸莫不注重乎衛生。雖然衛生亦不同。有個人衛生焉。有公衆衛生焉。個人衛生其範圍小。故其收效亦小。公衆衛生其範圍大。故其收效亦大。夫所謂個人衛生者何也。如飲食以養吾身。但務取其清潔。否則腐。腐則養身者適足以戕身。衣服以被吾體。但務勤其洗晒。否則污。污則被體者反足以害體。至若居室湫隘。空氣不流通。日光不多得。洒掃不及時。尤足以戕害身體。可知衣食住三者。是皆於衛生大有關係者也。知有關係而清潔焉。洗晒焉。洒掃焉。衛生之道雖不盡在於是。要亦不外於是。若公衆衛生。必上藉政府之提倡。下賴官廳之維持。又必經濟充足。然後可以達圓滿之目的。如開辦醫院也。購買藥品也。掃除道路之汙穢也。以及專雇檢查病人之專員。

與洗濯病人一切所用之器物。在在非錢財不可。此等衛生範圍之大。非個人衛生所可比例者也。以鄙人之意見論之。欲講求衛生先以個人之衛生之起點。然後可以推及公衆之衛生。何則夫吾人之所以有疾病死囚者。多半因外界之事物侵蝕而然。是必有一定之原因在。即不知講求個人衛生之所致。據東西洋各國統計報告。因傳染而死亡者最占多數。其次即爲消化器病。及呼吸器病。而我國因傳染病及消化器病而死亡者。較諸德日各國尤多。即不知嚴行清潔消毒法。及食物之選擇所致。故致病及死亡之原因。與外界有莫大之關係者。是無庸疑。若外界之物質。如空氣水土食物等有變化之時。則其影響必及於吾人之身體。若能講求個人衛生。則可免除是種之危險。以保持增進吾人身體之健康矣。倘吾人對於個人衛生。罔知講求。則各界各種之侵害物。遂得逞其所爲。以侵襲人體。吾人體內之抵抗力。不能勝任。遂致發生各種之疾病。若爲傳染病也。即由甲傳至乙。由乙傳至丙。源源不絕。滔滔不斷。至於不可收拾。非獨貽害一人。且貽

害其一家及一國。是皆因個人衛生之不講求所使然也。故欲講求個人衛生。能至盡善盡美。而後可以擴充公衆衛生。如修屋然。基礎未固。垣牆不久而傾塌。如樹木然。根抵未立。枝葉不久而憔悴。如浚川然。源泉未通。支流不久而涸竭。經曰。行遠必自邇。登高必自卑。知此而後衛生之道。或當急或當緩。孰爲重孰爲輕。可以恍然得其故矣。


(病理類)

驚悸辨治

理 專

楊煥文

我國名學不講。醫師辨證論治。多涉混同。如驚悸二證。驚之病輕於悸。悸之病重於驚。金匱曰。寸口脈動而弱。動卽爲驚。弱則爲悸。顯示人以區別。驚病初起。多由耳聞巨聲。或目擊異物。或遇險臨危。猝然而驚。故氣亂脈動。悸則起於怔忡。心火不足。則氣虛而悸。血不養心。則神浮而悸。悸自內傷。故氣怯脈弱。觀內經氣并於陽。故發驚。狂熱客於胃。善驚。及足陽明之脈病。惡人與火。聞木音則惕然而驚。諸



原件短缺

P 39-42

秋傷於濕而不即病。濕氣內潛。至冬則化熱而為咳嗽痿厥之陽證。冬傷於寒。邪氣內藏。至春而發為溫病之陽證也。喻氏以秋傷於濕而不即病發為咳嗽痿厥是即病。遂謂秋氣是熱。誤矣。(未完)

(診治類)

(診類)

陽明熱病脈反沈澀少陰寒症脈反弦搏說 各舉 理專 鄭霞仙

陽明熱病。原係裏熱猖狂。燎原莫遏。脈應洪大。不宜沈澀。少陰寒症。則為陰氣凝滯。脈當微細。不宜弦搏。此病理之自然。不能移易者也。若陽症陰脈。則是陰陽顛倒。混淆不清矣。然按之病理。參之經驗。則亦有之。惟不多見耳。夫陽明病。因熱度過高。燥矢壅結。閉寒太甚。脈管因之滯而不爽。脈象沈澀。不亦宜乎。一用承氣。地道既通。脈自暢利。少陰惟真寒霍亂。大吐大下。津液全亡。則陰陽格拒。兩不相入。逼其虛陽浮露於外。故見脈弦搏。是陰盛格陽之真藏脈。即內經陰搏於內。陽擾

第四十七期 暑症

四十

於外之旨也。二者脈象雖屬病變。然闡明其理。亦非可怪之象。唯在臨診之時。辨症既真。則脈象雖奇。自當舍脈從症。雖有怪僻離奇。不能亂我之心。亦不能窮我之術。否則徒拘迹象。未有不為眩惑者矣。

(治類)

治病序例

續四十六期

暑 諸病喘嘔。暴注下迫。霍亂轉筋。身熱發鬱。小便濁赤。皆屬於暑。

忌破氣。升。復忌下。溼潤。辛溫。辛燥。熱。發散。閉氣。諸藥俱

見前。○宜清暑益氣健脾。甘寒。甘溫。辛寒。酸寒。苦寒。如黃連、香

薷、葛根、石膏、知母、甘草、人參、黃耆、白朮、白藕、神麴、橘皮、茯苓、木瓜、麥冬、五味

子、白芍、白梅、烏梅。大約用清暑益氣湯、香薷飲、生脈散。凡病暑人。其氣必虛。暑

傷氣。無氣以動。故當補氣為本。惟肺熱多火者。忌人參、白朮。

中暑猝昏暈急。以童便灌入即省。

忌宜俱同暑。○又方用絲瓜葉一片、白鹽梅肉一枚、并取核中仁、共研如泥、新汲水調灌立瘥、兼治中暑霍亂有神。

太陽病中暈

忌同暑。○宜人參白虎湯有肺熱火病人不能服參者用竹葉石膏湯脾胃作瀉者水調六一散。

霍亂見胃虛條內忌宜俱同。

瘥夏由於脾胃薄弱胃家有濕熱及留飲所致。

忌同前。宜益氣健脾。酸寒。苦寒。淡滲。如人參、白朮、半夏、橘皮、茯苓、

白藕、豆、白芍、木瓜、澤瀉。兼服生麥散。

溼。諸瘕強直。積飲痞膈中滿。霍亂吐下。體重肘腫。肉如泥。按之不起。皆屬於溼。經曰地之溼氣感則害人皮肉筋脈。故其病筋骨疼痛。腰重痛不可轉側。身重四肢不利。溼在上。病嘔吐頭重胸滿。溼在中。病腹脹中滿泄瀉。溼在下。病足溼跗腫。

脚氣腫瘡久不愈。

忌溼潤。甘。鹹。諸藥俱見前。宜散。滲泄。燥。辛。苦。

如木瓜、薏苡仁、茅朮、白朮、石斛、草薢、石菖蒲、茯苓、佐以防風、葛根。

寒濕加半夏、五加皮。風濕加獨活。溼熱加黃蘗及車前子、木通。甚者加

漢防已。

脚氣由於溼熱。

忌溫燥。濕熱。補氣。復忌破氣。升。諸藥俱見前。宜清熱。除溼。

利小便。甘平。酸寒。苦寒。辛溫。淡滲。

如黃蘗、石斛、麥冬、木瓜、石菖蒲、薏苡仁、車前子、茯苓、木通、澤瀉、草薢、防已之類。

燥。諸溼枯涸乾勁皴揭。皆屬於燥。角弓反張筋攣急不舒。舌強不能言。二便閉。

澀。口渴口乾舌苦。皮膚皴揭。毛髮脆折。津液不生。血枯胃槁。以致飲食不化。噎膈。

吐食。

忌升散。破氣。下。辛燥。大熱。溫。諸藥俱見前。宜潤。益血。

辛。甘寒。酸寒。鹹寒。有熱證者。宜兼清熱。如麥冬、當歸、地黃、肉蓯蓉、

酥人乳、牛乳、蜜胡桃、甘菊花、麻仁、胡麻、柏子仁、人參、松實、天冬、五味子、酸棗仁、

白芍、蔗漿、蘆根汁、童便、梨汁、韭汁、佐以葶汁。

火。諸熱。腎癩。暴痞。冒昧。躁擾。狂越。罵詈。驚駭。胸腫。疼痛。氣逆。上衝。禁慄。如喪神

守。噤。嘔。瘡。瘍。喉。痺。耳。鳴。及。聾。嘔。涌。溢。食。不。下。目。昧。不。明。暴。注。瀉。痢。暴。病。暴。死。皆。屬

於火。

忌補斂。升發。閉氣。辛燥。溫熱。諸藥俱見前。宜降折。下。鹹寒。

苦寒。辛寒。甘寒。如大黃、童便、芒硝、黃芩、黃連、黃檗、連翹、石膏、山梔、元參、甘

草、知母、天冬、麥冬、生地、藍汁。虛者宜甘寒。鹹寒以滋水。不宜用苦寒傷胃。

猝眩仆。九竅流血多不治。

忌同火。宜服童便、鹽湯、竹瀝、藍汁、梨、生犀角汁。

猝心痛。

雜論十七期 藥論門

四十八

忌同火。宜服山梔、白芍、延胡索、生甘草、鹽湯、蘇子。

目暴腫赤痛甚。見肝實條內。忌宜俱同。

二便忽閉。以利小便為先。

忌同火。宜降潤。苦寒。甘寒。辛寒。利竅。如大黃、蘇子、生蜜、麻仁、桃

仁、石膏、知母、天冬、麥冬、黃芩、山梔、滑石、澤瀉、猪苓、車前子、木通、海金沙之類。

頭面赤腫。

忌同火。宜清熱解毒。發散。苦寒。辛寒。甘寒。鹹寒。如甘菊花、鼠

黏子、連翹、荆芥、薄荷、蟬蛻、大黃、元參、石膏、知母、竹葉、生甘草、童溺之類。

忽大渴思冰水。

忌同火。宜潤。生津液。辛寒。甘寒。鹹寒。如石膏、知母、元參、麥冬、竹

葉、花粉、五味子、梨汁、蔗漿、童便、凉水、冰之類。

口乾舌苦。

忌宜俱同火。

暴瘡

忌同火。宜降氣。發音聲。苦。甘寒。辛涼。鹹寒。如蘇子、枇杷葉、貝母、桔梗、百部、竹瀝、梨汁、天冬、麥冬、甘草、薄荷、元參、桑白皮、童便之類。

暴注

忌同火。宜利水。苦寒。酸寒。如茯苓、黃連、黃芩、白芍、生甘草、葛根、滑石、木通。虛者加人參、蓮肉、白蘊豆。

躁擾狂越。罵詈驚駭。

忌同火。宜清鎮。苦寒。辛寒。鹹寒。如丹砂、牛黃、黃連、黃芩、山梔、滑石、石膏、知母、童便。大便秘者，加大黃下之。不行加芒硝。

禁慄如喪神守。

忌同火。宜同躁擾狂越。

氣逆衝上。

忌同火。宜降氣。酸飲。甘寒。苦寒。鹹寒。如蘇子、枇杷葉、橘紅、五味子、降香、山茱萸、白芍、麥冬、石斛、黃蘗、牛膝、桑白皮、童溺之類。

論消渴之原因及治法

名譽 張錫純

消渴一證。古有上中下之分。謂皆起點於中。而極於上下。究之無論上消中消下消。皆渴而多飲多溺。其多溺有甜味。是以聖濟總錄論消渴。謂渴而飲水多。小便數。有脂似麩而甜。西人亦名其病為糖尿證。至謂其證起於中焦。是誠有理。因其證原中焦之脾病。而累及於脾也。蓋脾為脾之副臟。在中書名為散膏。即難經所謂脾有散膏半斤也。一時賢高忠潛曰。脾尾銜結於脾門。其全體之動脈。又自脾分支而來。故與脾有密切之關係。有時脾病發醉。多釀甘味。由水道下陷。其人小便遂含有糖質。迨至脾病累及於脾。致脾氣不能散精達肺。內經謂脾氣

散精。上達於肺。」則津液短少。不能通調水道。「內經謂脾通調水道。」則小便無節。是以渴而多飲多溲也。常閱申報載胡適之之病消渴。經西醫治不愈。改延中醫。方中重用生黃芪治愈。為其能助脾氣上升。以散精也。金匱有腎氣丸。善治消渴。其方以乾黃為主。「即生地黃。」取其能助胃中真陰上潮以潤肺。又能協同方中黃肉以封固腎關。不使小便過於下趨也。又拙著衷中參西錄三期有玉液湯。方中重用生山藥。治消渴頗驗。近閱醫報且有單服山藥以治消渴而愈者。因其能補脾固腎。以止小便頻數。而所含之蛋白質。又能滋補脾臟也。又俗傳治消渴方。單服生豬胰子可愈。蓋豬胰子即豬之脾。是人之脾病。而可補以物之脾也。此亦猶鷄內金。諸家本草皆謂其能治消渴。以其原善化食。其性猶豬胰子耳。愚因集諸藥合為一方。用之極有效驗。爰列其方於左。

生黃芪

五錢

生地黃

一兩

生懷山藥

一兩

淨黃肉

五錢

生豬胰子

三錢

切碎將前四

味煎湯送服豬胰子一半至煎渣時再送服餘一半

第四十七期 臺灣

五十二

按此方用之屢效。若遇中焦積有實熱者。可先服白虎加入參湯數劑。將熱消去強半。繼服此湯。亦能奏效。

治實熱老痰

名譽 楊星垣

人有實熱老痰。時醫未察。往往用清痰之藥不效。復用降痰化痰之藥仍不效。蓋欲治實熱老痰。非清火除濕利氣不可。用黃芩清胸中無形諸熱。用大黃瀉腸胃有實實火。此治痰必須先清火也。用青礞石之燥悍。用沉香之速降。此治痰必須除濕。更必須利氣也。况二黃得礞石沉香。自能直攻老痰之巢穴。雪清濁膩之垢。而不少留。此昔代名醫王隱君所以有礞石滾痰丸之配製。誠堪為千古不磨之奇方也歟。

寸白蟲治驗

名譽 邱明揚

考寸白蟲。乃曹氏病源所謂九蟲之一也。初則長寸許而色白。故以名之。然相生子孫轉大。可長至四五尺。即能殺人。丙寅歲。吾鄉方叟。年逾耳順。患此疾。求治於

余據云已二十餘年矣。但不甚苦。近年則加劇焉。面容枯瘦。每坐片刻或一夜。可下白蟲小杯許。歷年曾用多方殺蟲等藥治之。未有一效。余思此蟲乘腑臟氣之虛乏。藉生冷肥甘瓜果腐敗之質而生成。寄居腸胃之間。待夜眠息坐溫暖之氣。而下游出肛門。因久受毒藥之刺殺。遂靈動非常。投以毒劑。聞其氣味。卽散匿於隙僻處。有似負隅之虎。撲滅匪易。蓋以正氣既虛。蟲類繁殖。日惟增加。苟投以至猛之毒藥。慮其正氣不堪。反成害事。所謂投鼠忌器也。乃擬一燥脾扶正之方。用蒼朮半夏當歸黃耆乾薑等藥。命先服三帖。復與徐大椿療寸白蟲藥。仿外台秘要療百蟲法以治之。用檳榔蕪荑樞子各五錢共爲細末。待月之初一二三四日。先夜忌食。次日平旦時。先食牛肉燒臘。隨以藥末每二錢溫酒調服。瘥後忌生膾白酒諸冷物月餘。服後果愈。聞數月間。復有此患。較前爲微。似前患因藥未繼服之遺孽耳。惟此樞子檳榔蕪荑之殺蟲。人皆知之。外台服法。大有巧妙。蓋月之上旬。蟲頭多隨陽氣而上仰。日之平旦。乃值陽之受氣。先夜忌食。則蟲因養氣空

乏而起恐慌。次長先食牛肉燒臘以燥動胃腸。蟲必羣起而就營養。繼用溫酒導殺蟲之藥以直下。如討賊者先誘之而後殺之。蟲有不遺罄滅哉。

肺癆之鑒別與治方 錄音醫報

〔鑒別〕 肺癆是否屬實。果至何程度。必先考驗。方以乳香五錢。焚於檀香爐中。男用左手背。女用右手背。攔於爐。再以綢手巾覆蓋手面及檀爐。勿令煙散。如是薰至一二小時。手心出細毛者乃癆症。否則非癆病。其毛色黑者不治。紅色可治。白色更輕。如照前方驗明係肺癆。速以雄黃精。辰砂。硫黃。各一錢研末。去盡泥沙。加麝香一分。用好燒酒調勻。選獨頭蒜。去根蒂。醮藥。從尾閭骨起。逐節磨擦背脊。令藥力內達。直擦擦至後頸脰止。如身上有發熱與疼痛處。乃癆蟲驚竄之故。急以藥蒜磨擦患處。如是再三施治。雖最險肺癆。無有不愈者。此方經驗多人。均見奇效。

(方劑)

(溫熱方劑編)

續四十六期

楊煥文

第二節 太陽少陽合病方劑

黃芩湯

張路玉所選定

傷寒論曰。太陽與少陽合病。自下利者。與黃芩湯。若嘔者。黃芩加半夏生薑湯。張路玉曰。黃芩湯乃溫病之主方。即桂枝湯以黃芩易桂枝而去生薑也。蓋桂枝主在表風寒。黃芩主在裏風熱也。其生薑辛散。非溫熱所宜。故去之。溫病始發。即當用黃芩去熱為主。

周禹載曰。明言太少二陽。何以不用二經藥。非傷寒也。傷寒由表入裏。此則自內發外。無表何以知。太少二陽。或脇滿。或頭痛。或口苦引飲。或不惡寒即熱。故不得謂之表也。今不但無表。且有下利裏證。傷寒協熱利必自傳熱而入。不若是即利也。溫何以即利。外發未久。內鬱已深。豈能一時盡泄於外。勢必不走而

作利矣。

黃芩湯分量 原方

黃芩三兩 甘草炙芍藥各二兩 大棗十二枚

右藥水一斗。煮取三升。去滓溫服。日一升。再夜一服。

活人書黃芩一兩芍藥一兩甘草一兩炙右劉如麻豆人每服五錢。棗一子枚。

以水一盞。煎至八分。去滓溫服。

按大棗宜以連鬚葱白。(未完)

吳鞠通增液承氣湯論

名譽 鄭霞仙

吳氏溫病條辨以三焦分篇。與仲師六經條例。分道揚鑣。自樹一幟。近賢已譏謬忘。其中焦篇之增液承氣湯一方。尤為可議。考人身疾病。不過虛實而已。良工先治其實。後治其虛。夫病非人身素有之物。或自外來。或自內生。皆邪氣也。猶虛器之中。有物焉。以實之。若不去邪而用補劑。是盜未出門而先修室宇。正氣未勝而

邪氣已橫鶩矣。為禍曷可勝言。故仲師陽明篇中。急下以存陰。蓋熱在陽明。燥津灼液。病勢垂危。用承氣是釜底抽薪。以救燃眉之急。除三承氣之外。別無增液養陰之方。聖訓昭昭。班班可考。今吳氏於承氣湯。反加生地玄參麥冬滋膩戀邪之品。名曰增液承氣湯。殊不知溫熱係陽邪。而麥地等是陰藥。以陽邪在陽分之時。雖曰甘寒退熱。似亦對病之一法。然不撤其陽。反滋其陰。則陰藥直領陽邪深入陰分。如油入麵。不可復出。勞瘵之根。從此造成。未始非吳氏之作俑也。噫。謬立新方。別樹異幟。貌似養陰。而反助其壅塞。欲益反損。弄巧反拙。何必多此一舉哉。

風溫經驗方

名譽 沈仲圭

桑葉錢半 連翹二錢 炒牛蒡錢半 象貝二錢 鮮竹茹錢半 橘紅五分 苦桔梗六分
前胡八分 白杏仁二錢 水煎服

〔按〕風溫者。春日之感冒也。春日氣候溫煦。故所受之風。非寒而溫。肺合皮毛。故肌腠所感之邪。必內應於肺藏。而見身熱自汗惡風頭疼之全身症狀。咳嗽

第四十七期 藥述門

口渴之局部症狀。病在肌表。法當汗解。

五十八

然溫病本自汗出。詎可重發其汗。故投以辛涼清輕之劑。俾有驅邪之功。而無灼津之弊。桑葉去風清肺。牛蒡宣肺瀉火。蓮喬竹茹清上焦之煩熱。薄荷散肌膚之風溫。治全身症狀也。象貝專化風痰。杏仁化痰。兼能下氣。橘紅解表。兼可消痰。治局部症狀也。外加桔梗以開肺。前胡以降痰。肺開則邪有去路。痰降則咳嗽自止。且二藥一浮一沉。合而用之。乃化痰解表之良方也。

醫 案 門

醫案平議

卷四十六期

名 醫 張山雷

亡陽症

許叔微本事方 一人年三十。初得病微汗。脈弱惡風。醫以麻黃藥與之。汗遂不止。發熱。心多驚悸。夜不得眠。譫語不識人。筋惕肉瞤。振振動搖。醫又進鎮心藥。許曰。強汗之過也。仲景云。脈微弱。汗出惡風。不可服青龍湯。服之則筋惕肉瞤。此為逆也。非真武湯不救。遂進三服。繼以清心丸。竹葉湯。數日遂愈。

〔平議〕汗出太多。陽升太過。心液耗散。以致引起腎水泛溢。更以陵心。所以驚悸不眠。譫語昏妄。筋惕肉瞤。振振動搖。雖似心虛為病。實則北方水氣橫逆。莫過此非鎮定水邪。無以救急。故真武之治。以筋惕肉瞤身振動搖為主証。與參附之專主肢厥冷汗者不同。

江氏類案 滑伯仁治一人。七月內病發熱。或令其服小柴胡湯。必二十六劑乃安。如其言服之。未盡二劑。則升發太過。多汗亡陽。惡寒甚。肉瞤筋惕。乃請滑診。脈細欲無。卽以真武湯。進七八服。稍有緒。更服附子七八枚。乃愈。

江寧南曰。汗多亡陽。則內益虛。惡寒甚。而肉瞤筋惕者。裏虛甚。而陽未復也。故宜真武湯。多服附子而效。

〔平議〕小柴胡湯。而謂必連服二十餘劑。可見醫學黑暗。自昔已然。無怪鄉曲庸愚。止知發汗。古方連用十餘帖。而不知變計也。此案筋惕肉瞤。而更寒甚。則非真武一劑可愈。以視上條症情。輕重固自不侔。

魏氏續類案 滑伯仁治一人。暑月病。身冷自汗。口乾煩躁。欲坐臥泥水中。脈浮而數。按之豁然空散。按之不鼓。諸陽皆然。此爲陰盛格陽。得之飲食生冷。坐臥當風所致。以真武湯冷飲。一進汗止。再進。躁除。三服而安。

〔平議〕身冷自汗。已是陰盛無陽。則煩躁口乾。反而喜冷惡熱。尤爲內有真寒。

逼陽外越之候。况脈浮數無根。更是浮陽無依之確據乎。真武湯冷服。不致爲假熱格拒不入。用法之巧。似在白通加膽汁之上。回陽之劑。一帖可效。不須多服。以本身有浮陽在外。招之可以即來。不比上條惡寒已甚。內外皆寒。非多服附子不爲功也。

江氏類案 孫兆治一。道士患傷寒發熱。汗多出。驚悸目眩。身戰。擗欲倒地。衆醫有欲發汗者。有作風治。有用冷藥解者。病皆不除。孫至曰。太陽經病。得汗早欲解。不解者。因太陽經已解。復作汗。腎氣不足。汗不來。所以心悸目眩身戰。遂作真武湯服之。三服微汗自出。遂解。蓋真武湯附子白朮和其腎氣。腎氣得行。故汗得來也。若但責太陽者。唯能乾涸血液耳。仲景云。尺脈不足。榮氣不足。不可以汗。以此知腎氣怯。則難得汗也。

〔平議〕汗多戰振。陽亡確證。真武回陽。本以鎮定腎水上凌。症情藥理。鍼鋒相對。亦甚直捷爽快。而孫乃引戰汗之例。謂腎陽虛不能作汗者。則此人先固汗

多。繼則戰振而反無汗。正以前之汗泄太過。陽氣已亡。致令腎陰上泛。寒水漫天。元陽已汨沒淨盡。此與上三條方藥同。病理同。而見証微有不同。學者必不可走馬看花。粗心畧過。

羅謙甫治案 從魏氏續類案本 齊大兄因感寒邪。頭項強。身體痛。自用酒服靈砂丹四五粒。遂大汗出。汗後身輕。至夜。前病復發。以前藥復汗。其病不愈。復以通聖散發汗。病添。身體沉重。足脛冷而惡寒。是日方命醫。醫者不究前治。又以五積散汗之。翌日身重如石。不能反側。足脛如冰。冷及腰背。頭汗如貫珠。出而不流。心胸躁熱。煩亂不安。喜飲西瓜梨柿冰水之物。常置左右。病至於此。命診之。六脈如蛛絲。微微欲絕。乃以死決之。主家曰。得汗多矣。焉能爲害。曰。夫寒邪中人者。陽氣不足之所致也。而感有輕重。治之豈可失其宜哉。仲景曰。陰盛陽虛。汗之則愈。汗者助陽退陰之意也。且寒邪不能自汗。必待陽氣泄。乃能出也。今以時月論之。夏宜汗。然亦以太過爲戒。况冬三月閉藏之時。無擾乎陽。無泄皮膚。使氣亟奪。爲

養藏之道也。逆之則少陰不藏。此冬氣之應也。凡有觸冒。宜微汗之。以平爲期。邪退乃已。急當衣煖衣。居密室。服實表補衛氣之劑。雖有寒邪。勿能爲害。此從權之治也。今非其時而發其汗。乃謂之逆。仲景有云。一逆尙引日。再逆促命期。今本傷而并汗。汗而復傷。傷而復汗。汗出數四。使氣亟奪。衛氣無守。陽泄於外。陰乘於內。故經云。獨陽不生。獨陰不長。不死何待。雖虛扁不能治也。是夜將半。項強身體不仁。手足搐急。爪甲青而死矣。金匱要略云。不汗而妄汗之。奪其津液。枯槁而死。今當汗之証。一過中亦絕其命。况不當汗而強汗者乎。

〔平議〕此亦過汗陽亡之証。煩躁喜冷。亦是假熱。症固可危。然急投熱藥冷服之法。或尙可希冀什一。此古人朴實。不諳活變。似未免拘執不化。但據案中引冬三月閉藏一段。則此病必在冬時。而謂喜食西瓜梨柿非時之物。恐是言之太甚。夫盡事實。羅案多嫌繁重。頗少精警。而是案說理。猶爲切當。是可存也。

太函集 吳橋治方生。年二十五。早起。枵腹服勞。無何而發熱頭痛。醫以爲內熱。

乃用清涼。三日汗海昏憤欲絕。橋診六脈皆不應指。甚則微若蛛絲。語其父曰。郎君甚危。此虛脫也。急宜重劑溫補。稍緩即無及矣。一劑而愈。

〔平議〕脈証至此。四逆通脈真武附理中等。誰不能用。玉璜錄太函集吳橋吳洋二人治案。多怪誕不經。不足爲法。甚者且必不可信。而此案尙是平易近情。姑錄一則以存涯畧。

玉璜續類案 裴兆期曰。凡人偶得潮熱往來之候。未可遽執爲外感風寒。輒服發表之藥。蓋其間亦或有元氣內損而然者。一或少差。則陰證立至。多死少生矣。吾鄉一高年紳。只一子。年三十餘。素恃形氣強偉。不知節慎。六月間因母壽連日。晏客應酬勞倦。遂發往來潮熱。渠宿與一醫相善。即邀治之。值醫他往。其徒代爲之視。輒投以羌活紫蘇防風等藥。一劑後汗大出不止。乃求治於余。六脈已細數無倫矣。方用人參黃芪各五錢。桂附各二錢。當歸三錢。浮小麥一撮。令急煎服。藥劑甫煎成。而所善之醫適至。亦認爲外感。傾棄予藥。仍以前藥表之。汗更大出。深

夜而斃。須知膏粱子弟。外強中乾。不可見其氣強形偉。而遂視之爲大椿也。

〔平議〕此亦陰虛過汗亡陽之症。參附固是正治。然讀上文孟英諸案。則陰液大傷之後。剛燥亦不可太重。須以養陰戀陽潛攝爲上。而回陽次之。此又近人之精密。勝於往昔者也。

薛立齋案 一男子發熱煩渴。時或頭痛。〔江寧南曰此頭痛爲內傷。〕服發散藥。反加喘急腹痛。其汗如水。晝夜譫語。此勞傷元氣。誤汗所致。其腹必喜手按。詢之果然。遂與十全大補加附子一錢。服之熟睡。喚而不醒。舉家驚惶。及覺。諸証頓退。屬內真寒而外假熱。故肚腹喜煖。口畏冷物。此乃形氣病氣俱不足。法當純補元氣爲善。

〔平議〕是亦陰虛之體。誤汗而陰陽俱亡。十全加附。藥乃恰合。薛乃自謂法當純補元氣。終不肯擺脫團圞吞吐之陋習。立翁可謂食而不知其味者。

喻氏寓意草 袁繼明素有房勞內傷。偶因小感。自煎薑葱湯表汗。因而發熱三

日變成瘧疾。余診其脈。豁大空虛。且寒不成寒。熱不成熱。氣急神揚。知爲元湯衰脫之候。因謂其父曰。令郎光景。竊慮來日瘧至。大汗不止。難於救藥。今晚急用人參二兩煎濃汁。頻服防危。渠父不以爲意。次日五鼓時。病者精神便覺恍惚。扣門請救。及覓參至。瘧已先發矣。余甚徬徨。恐以人參補住瘧邪。雖救急無益也。只得姑俟瘧勢稍退。方與服之。服時已汗出沾沾。頃之果然大汗不止。昏不知人。口流白沫。灌藥難入。直至日暮。白沫轉從大孔遺出。余喜曰。沫下行可無恐矣。但內虛腸滑。獨參不能勝任。急以附子理中湯連進四小劑。人事方醒。能言。但對面談事不清。門外有探病客至。渠忽先知。家人驚以爲祟。余曰。此正神魂之離舍耳。吾以獨參及附子理中駟馬之力追之。尙在半返未返之界。以故能知宅外之事。再與前藥二劑而安。

〔平議〕葱薑湯表汗。亦能使陰陽俱亡。正以其人真陰未耗。最易拔動腎根。喻論極精當。此寓意草中之最剴切詳明。絕無一句空泛語者。惟此瘧既寒不成。

寒熱不成熟。脈又空大。氣急神揚。即在瘧發之時。獨參何不可用。本無外邪。何患補住。嘉言此節。猶以感邪言之。殊可不必。末後離魂一說。雖以奇談。實則陽氣外越。神必飛揚。亦在至情至理之中。不可誤認神怪。闢爲誕妄。願廿年閱歷。所聞所見。已有數起。另錄離魂一門於本編中。此當加龍牡大劑。潛陽鎮攝之藥。以招納遊魂者也。

陸氏醫驗 養愚治朱少湖。仲冬夜間。忽頭項微強。身體微痛。疑是傷寒。用紫蘇二大把。生薑十片。濃煎熱服。厚覆大汗之。身體覺輕。自謂愈矣。至明日之夜。復覺拘急。反增沈重。復如前取汗。不解。身體如石。煩躁口乾。睡臥不安。醫謂脈極浮數。冬月傷寒。非麻桂不解。葺蘇輕劑。豈能療此大病。擬用有青龍湯。病家疑之。延陸診之。脈浮數而微細如珠絲。按之欲絕。曰陽虛證也。原不宜汗。况經謂冬三月閉藏之令。無擾于陽。無泄皮膚。使氣亟奪。一之爲甚。其可再乎。彼醫曰。仲景云。陰盛陽虛。汗之卽愈。既曰陽虛。何爲不可汗。况麻桂青龍。正爲冬時虛寒而設。如拘閉

藏之令不宜汗。則仲景此等湯劑。必待春夏傷寒而後用乎。陸曰。議論甚高。第此脈不相應。一魏玉璠曰。此駁未嘗無理。陸不徑指爲內傷。而泛引經文。致招如此駁詰。又不肯明指其失而喻之。第含糊其辭。以示意。亦名醫之習氣也。一常用建中生脈。彼醫謂邪在表而補斂之。不死何待。陸竟投之。煩躁仍劇。噫氣不絕。足脛逆冷。身不能轉。陸曰。誤汗已多。藥輕病重。故未効耳。仍前方倍人參加附子。濃煎冷服。少頃煩躁頓定。數劑諸證悉除。月餘時虛汗不能起。用人參數兩而安。

〔平議〕此以陰虛之體。大汗傷液。陰亡而陽與俱亡。陸謂湯虛原不宜汗。本以大汗之後而言。固是正論。乃俗子反引陰盛陽虛汗之則愈一說。來詳詰責。遂令陸無辭可答。實則傷寒例之所謂陽虛陰盛。以外寒爲陰。重在陰盛。不在陽虛。惟其陰寒外盛。乃爲當汗之証。何可妄指陽虛二字。作爲可汗。况彼之所謂陽虛者。更與大汗亡陽之陽虛。判如霄壤者也。陸引冬令閉臟一說。誠是造化自然之至理。天寒發蟄。安有不死之理。而昧者乃又謂麻黃青龍。正是冬傷於

寒之重方。須知冬令發汗。爲有是病者立法。豈盡人而皆可概投此藥。且卽有當汗之証。亦有不可如水流漓之禁。是胡可與大汗之後同日而語。魏謂養愚不肯明言。是名醫之習氣。蓋彼方謂似此病機。惟吾獨識。斷不肯直快其微。與人共喻。小人之腹。未免有之。故曰習氣。須知至理自在人間。稍有學識。辨之亦易。其認作秘訣。不肯示人者。徒令人笑其所見之不廣耳。然所述煩躁口乾。尙在陽盛之時。外無惡寒。建中猶非針對之藥。所以得之而煩躁益劇。足脛逆冷。陽浮於上。桂枝之誤。亦有明徵。必至重劑人參以養真陰。少加附子。熱藥冷服。始得陰漸振而陽乃藏。此証病理本極細微。而藥之切病與否。尤其縝密。而絲毫不可假借也。



覆 上海南京 特別市中醫 公會 會 籌備處

逕復者頃接來函并附簡章一份具悉種切貴會憫大道之沈淪憂中醫之日替組織中醫 公會 正式成立聞之莫名欽佩慨自訓政開始百度維新獨吾國醫學日形晦黯若不奮起直追力圖振作恐軒岐絕學廢於一旦滬甯一帶素多良醫貴會聯合召集相聚一堂發揚國粹康濟衆生加以首善之區進行自易遠跋良規無任嚮往 敬 會成立以來於茲十稔心勞日拙成績無多何幸氣求聲應借助他山此後如何進行尙望隨世見示俾資借鏡再者 敬 會雜誌第四十四期載有擬向中央提議提倡中醫學術一案如蒙贊成請示知以便聯名列入此復云云

覆松江中醫協會 謹

逕復者頃接來函并附醫報一份捧讀一過欽佩奚如貴會諸公懷濟世之仁術

開醫界之先河當此中國醫學日形衰替之秋貴報應時而起正言諫論喚醒愚蒙將見軒岐絕學日漸振興可爲預賀啟會云云同前

覆廣州杏林醫學月報社緘

逕復者頃接來函敬悉貴社組織成立不日出版欣忭奚似貴會諸公云云同前

覆山東醫藥總會濟南城內山東全省醫藥總會

逕復者頃接來函備悉種切貴會憫大道之沈淪恐中醫之日替組織醫藥公會並附醫院正式成立佩甚佩甚慨自訓政伊始百度維新獨吾國醫學每况愈下憂時之士靡不奮起直追以冀挽狂瀾於萬一於是組織協會者有之設立報社者有之最近如南京上海天津廣州松江等處俱先後成立况泰山登而天下小貴會成而舉國欽將見軒岐絕學日漸振興可爲預賀啟會成立以來於茲十載心勞力絀無補時艱何幸聲應氣求他山借助東鄰密邇所有貴會院章程旬刊仍望繼續見示前啟會第四十四期雜誌一册奉寄內有擬提議提倡中醫

第四十七期 通訊門

七十二

一案原稿若荷贊助望希示知以便將貴會大名列入庶幾衆擎易舉也云云

覆鄭霞仙君 浙江蘭溪縣後北里徐齊巷右首第四家

〔上略〕頃接惠賜大稿數篇誦讀之餘諗知先生醫理精深學識淵博是以議論新奇發言透澈遠方得一知己益信吾道不孤自然登諸會雜誌公諸海內並擬聘請

先生擔任會名譽理事遙相贊助匡其不逮至所盼禱會成立十年愧無建樹僅出雜誌四十餘冊茲先將四十四期雜誌一冊奉寄聊作桃李之報尙希斧正是幸云云

覆邱明楊君 四川梁山縣縣立初級中學

邱先生有道頃接來函并附大稿數則諗知先生醫道精深發言宏肆研究燥氣一篇辯前賢之誤實有至理容當陸續登諸會雜誌一俟出版即奉寄並擬聘請先生擔任會名譽會員遙相贊助爲幸此復云云

雜俎門

俞跗

錄俞樾雜纂

史記扁鵲倉公列傳。臣聞上古之時。醫有俞跗。素隱正義。並音史附。應劭云。黃帝時將也。漢書藝文志。經方家有秦始黃帝扁鵲俞跗方二十三卷。而古今人表無俞跗。素問一書。載黃帝與岐伯問答之語。居十之九。間亦及雷公鬼臾區。而俞跗無一語焉。何也。惟靈樞經五變五味論。勇論痛諸篇。並稱黃帝問於少俞。豈卽俞跗歟。竊嘗論之。俞跗殆卽鬼臾區也。俞跗索隱正義。並音史附。則與臾區之臾固同音矣。附與區古韻同部。玉篇云。說文附音浦口切。而左傳豆區之區。僕區之區。並音烏侯反。則附與區音亦相近也。淮南子本經篇以相嘔咐嘔咐。疊韻語也。說文臾部附婁小土山也。史記滑稽傳。甌婁滿篝。正義曰。高地狹小之區。附婁與甌婁一也。此皆附聲區聲相近之証也。鬼臾區三字。本有聲而無義。緩言之曰鬼臾。

雜圖十七期 雜無門

七十圖

區念言之曰俞跗。古今人表有鬼與區無俞跗。是可明其爲一人矣。後世以俞跗爲俞氏之鼻祖。吾斯之未信。

星期徵稿選刊

手少陽三焦在人身究爲何物有何作用試詳舉以對

名譽
理專 李瑞蘭

三焦者乃凡人胸腹內外上下之網膜與腠理所以行其水火氣血也。嘗讀唐容川傷寒論淺註補正一書。其於少陽篇首補論三焦甚詳。蓋謂三焦從命門腎系而發出膜網。是生膈下之兩大板油。又生膈上下之網油。網油從連大腸前連膀胱上口。其網油之膜。又於大腸之前。膀胱之後。而爲一大夾室。是名胞室。又名氣海。女子又名血室。男子又名精室。其網油與胞室。是爲下焦。又從膈上至胸前之鳩尾。環肋骨至腰脊。上連膈而下至網油。其膜之根於腎系。而發出如網者。是爲中焦。從焦之膜着背脊處。上行至肝。是爲肝膈。膈發於肝。循肋骨而至胸前之鳩尾。又從膈循腔子上肺系。連心系。而生包絡。又從肺系上咽而生網膜。是爲上焦。

此皆在內之膜。上中下無所不周者也。至於焦膜從內透出於外。包裹瘦肉。兩頭生筋。並瘦肉外肥肉內。夾縫中有文理者。名曰腠理。亦皆為三焦支派。是以容川所著醫經精義。又於三焦為決瀆之官註而分標三焦。均以内焦及各外出之腠理而言也。腠理以外為肥肉。肥肉曰肌。肌外為皮毛。營血從內出外。有血絲管導之。而至於肌。以為衛應。此血絲管大而直者為經。小而縱者為絡。皆行於膜中。出腠理而居於肌肉者也。衛氣從內出外。亦從膜縫中出腠理。而達於皮毛。且營衛之行。又皆上下往來於腠理。蓋四肢骨節間之筋肉。當為腠理所行之氣血。從其膜中。運達於彼。而後始可靈活而豐滿。故中風歷節病。皆榮衛不行。三焦無所御。則四屬不免斷絕矣。夫外達之焦膜與腠理。固為行氣行血之所。而腹內三焦之膜。亦何獨不然乎。凡人飲水入胃。胃之四面皆有微絲管。吸出所飲之水。散走腸膜。下達網油。而滲入膀胱。內經所謂三焦者。決瀆之官。水道出焉。即此是也。又包絡宣心血而下行。隨衝任以入血室。其道路則由膈下達膜網而入。血下則火亦

隨之而下降。膈下上升之氣。上於肺而爲呼吸。並外達皮毛而爲衛氣。其道路則由網膜上膈而出。氣行則水即因之而不結。假令人身之內無此膈膜。腠理是猶大地無江淮河漢。此而欲其衛氣榮血不致壅遏橫決者。烏可得乎哉。然氣血之周流。固惟三焦是賴。而氣血之生成。亦惟三焦是資。胞室氣海中。陽氣蒸化膀胱之水。是生衛氣。中焦膜上所居之脾。發生膏油。從膜孔薰吸於胃。化水化穀。又膽氣從肝系入膈走膜。至於胃中。亦能腐化穀食。夫血由飲食精液而生。今由膜孔入胃之肝脾二氣。能使食穀速化。故謂腹內焦膜。亦生榮血焉。且胸膈爲上下之界。足以遮蔽腹中濁氣。而保護心肺。腠理爲內外之界。足以使病從陰出陽。而免致痼疾。內外焦膜之作用。難以枚舉。尙不止運行其氣血水火而已也。手之少陽三焦作用如是之大。而其在人之身。容川則以爲胸腹三部之網膜。與其外出之腠理證以內經各書。其理甚確。無可疑議。彼王清任與西醫並晉唐後諸醫家。或以爲有名無象。而屬人身內之空腔子。或以爲實無其物。而屬空妄之言。業醫業

者似應俱不當遵。而惟從夫容川之說而已矣。

問生理衛生之學西醫講之特詳中醫獨略然乎

米 昀

按生理衛生學對於病因治療及愈後調養關係最要。考我國古時醫籍概無此科名目。似乎缺焉。其實殊屬不然。蓋由中醫尙醫化。西醫詳形跡。因其各方研究之法不同。故其次序科目異也。况中醫立法注重認證。因生理是病理之路徑。衛生是得病之原因。再參色脉以定診斷。皆有連帶之關係。故每多並論之。而不必別標名目。而在內經論之甚多。但因辭簡義奧。常人卒難領悟。其實較彼尤爲精妙。試舉其最要者以證明之。考內經論生理。則有言形跡者。有言氣化者。按本藏篇論形跡生理之義。而得病有由藏府使然者。以五臟各有小大高下堅脆端正偏傾之異。六腑亦有小大長短厚薄結直緩急之不同。臟腑雖位乎裏。其體象亦現於表。例如赤色小理者心小。蠟理者心大。無鬲髻者心高。鬲髻小短舉者心下。

髑髁長者心堅。髑髁弱小以薄者心脆。髑髁直下不舉者心端正。髑髁倚一方者心偏傾也。因其形體方位高下不同。而爲病亦異。故心小則安。邪弗能傷。易傷以憂。心大則憂不能傷。易傷於邪。心高則滿於肺中。悅而善忘。難開。心下則易傷於寒。心堅則臟安守固。心脆則善病消痺熱中。心端正則和利難傷。心偏傾則操持不一無守司也。是以心臟生理之關係而主病如此。其肝脾肺腎之四臟亦然。六腑之生理主病又亦然也。再按根結篇論氣化生理。則有三陰三陽升降樞轉之不同。三陽經以太陽爲開。陽明爲闔。少陽爲樞。故開折則肉節瀆而暴病起矣。闔折則氣無所止息而痿疾起矣。樞折則骨繇而不安於地也。三陰經以太陰爲開。厥陰爲闔。少陰爲樞。故開折則倉廩無所輸。闔折則氣絕而喜悲。樞折則有所結而不通。又經脈篇經別篇以臟腑之體居於裏。十二經脈卽由裏循行於表。及其支別聯絡交會環週於全身。某部之脈屬於某臟腑。爲診病立法之根基。此非中醫生理之明證乎。考西醫衛生學之義。爲調養身體之法。中醫雖無此名稱。

其修養之道。較西醫尤爲精妙。故內經開首上古天真論先云。上古之人。其知道者。法於陰陽。和於術數。飲食有節。起居有常。不妄作勞。故能形與神俱。而盡終其天年。度百歲乃去。四時調神論又云。春三月。此謂發陳。天地俱生。萬物以榮。夜臥早起。廣步於庭。被髮緩形。以使志生。生而勿殺。予而勿奪。賞而勿罰。此春氣之應。養生之道也。逆之則傷肝。夏爲寒變。奉長者少。以及夏秋冬三月云云。又云。夫四時陰陽者。萬物之根本也。所以聖人春夏養陽。秋冬養陰。以從其根。逆其根則伐其本。壞其真矣。故陰陽四時者。萬物之終始也。死生之本也。逆之則災害生。從之則苛疾不起。是謂得道。此是示人順四時之序。以養其神氣也。按九宮八風篇。以八節視風所從來而占之。風從其所居之鄉來。爲實風。主生長養萬物。從其衝後來。爲虛風。傷人者也。主殺主害者。謹候風而避之。故聖人日避虛邪之道。如避矢石然。又宣明五氣篇云。辛走氣。氣病無多食辛。鹹走血。血病無多食鹽。苦走骨。骨病無多食苦。甘走肉。肉病無多食甘。酸走筋。筋病無多食酸。此又示人慎起居節

五味以調其形體也。此非中醫衛生之明證乎。由此考之。中醫雖尚氣化。而於生理衛生。又參以形跡及五色脉象。臨證診病。則能預知其病屬於何臟腑。以之治療。必有確實之把握。誠爲溯本窮源之定論。非若西醫但憑形跡之實驗。如赤白血球諸細胞之組織。用顯微鏡測驗。如何構造。如何變化。可謂詳而又詳。以及門類科目之分列。甚是完美。所宜參互考証。棄短取長。慎毋門戶水火也。

第十七期 廣告門

清代名醫醫案菁華

●本書緣起

人之論醫者，動稱內難傷寒，夫內難論病書也，傷寒診病書也，何謂論病推闡疾病之原理，以明證象及傳變，所謂病理學者是，故內難不詳方藥，何謂診病，研究疾病之驅除，以定法則及程式，所謂治療學者是，故傷寒絕鮮理論，合病理治療于一而融會貫通，卓然成一家言，為後世法者，厥惟醫案，此醫案之所由輯也。醫者應具時代精神，適合世界趨勢，中醫萌芽於神農黃帝，歷春秋戰國兩漢名師哲匠而漸臻發達，下此六朝隋唐，其光又微，宋代競尚虛玄，金元繼之，好言五行，說者因譏唐後無醫書，及至有清，大椿元御肆力復古，天士鞠通側重溫熱，玉田出力闢蠶叢，獨開新境，咸同間西學輸入，醫風又一變，承往古，啓來今，于是大彰，此所以先有清代之輯也。

醫非學養深者不足以鳴世，書非選抉嚴者不可以為法，清代醫家之盛，遠勝于

前。然宣闡古蘊。發明心得。正復可數。而所傳醫案。大半門人編纂。駁雜不純。若是者。烏足光前哲而裨後學。此又所以名醫是尙。而菁華是擷也。近賢章太炎氏曰。中醫之成績。醫案最著。梁任公氏曰。治學重在真憑實據。夫醫案皆根據病理而治療之成績。亦中醫價值之真憑實據也。此書之輯。實足箝西醫攻訐之口。爲中醫臨診之助也。

●本書特色

- 一 搜集之富。可謂醫案中未有之巨大著作。
- 二 撰輯精嚴。理論與實驗並重。與薰蕕不別者。不可同日而語。
- 三 所采醫案。大半坊間未見。謂爲秘錄。亦無不可。
- 四 以人爲綱。以證爲目。極便檢查。不同凌亂無章者。
- 五 醫案觀其換方變化處。最耐尋味。而增巧思。故本書于復診方案。足供研究者。悉數采附。

醫學士之精 廣集

八十四

六精義所聚，學者得此，可免選抉之勞，亦無盲從之弊。

七各家卷首，附刊小傳，俾知其師承及經歷。

八有諸大名家題序，價值概可想見。

九印刷精良，校對準確。

十裝訂美觀，攜帶尤便。

編纂者

中國醫學院主任秦伯未氏

審定者

上海新中醫社

刊入者

葉天士 薛生白 吳鞠通 尤在涇 曹仁伯 王旭高 張仲華

何書田 趙海仙 馬培之 王九峯 巢崇山 張千里 張聿青

陳蓮舫 秦笛橋 凌曉五 陳良夫 金子久 丁甘仁 等……

▲全書三十餘萬言

▲八百餘面

裝訂

(甲種)布面金字精裝一巨厚冊
(乙種)平裝四冊外加錦匣一只

定價

每部大洋三元惟甲種另加裝訂費實洋四角概不折扣

預約半價

▲預約期陰歷七月十五日至八月十五日止外埠展期十天▼

●預約章程

- 一本書預約自陰歷七月十五日起至八月十五日止外埠展期十天
- 二本書預約祇收半價外埠加郵費二角
- 三本書定陰歷九月初十出版憑券向經售處取書決不延誤
- 四本書出版後照碼概售八折
- 五所定預約券以三個月為限出書後過期不取概作無效
- 六郵匯書款務須掛號以免遺失郵票代價作實惟以五分內者為限

總發行處

上海小西門外黃家關路中國醫學院新中醫社出版部

代售處

上海四馬路校經山房書局
 上海三馬路千頃堂書局
 上海棋盤街文瑞樓書莊

第四十七期 廣告門

八十六

初等診斷學

爲奉天醫士公會編輯部劉景素先生編訂內分十一章共一百廿餘節都十萬餘言凡中醫用望色辨舌苔切脈聞聲問症諸法包括歷代諸家之特長參以最新科學之程式以清淺之筆談高深之理使初學者一目瞭然已學者可資參攷

全書中式裝訂二大册 定價一元 實售八折 郵費加一

醫團整購請向奉天煥休學社聊有贈品

代售處

上海西門內石皮弄
中醫學會陳天鈞君

總售處

奉天城內石頭市
西胡同一七一號門牌
煥休中醫學社

本會名譽理事
張錫純壽甫先生五期衷中參西錄出版

此書係先生登各省醫學誌報之論重加修整融滙中西更參以特識凡千古難治之證若肺病噎膈霍亂鼠疫腦充血等證莫不立有名論製有專方用之必效且先生素深哲學書中亦屢發其詳果參透遵行定享長年誠濟世活人之慈航也書共八卷約二十萬言實價兩元郵買者不加郵號費

發行處天津東門裏中西匯通醫社

編輯處啟事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟哀集較多彙刊成帙定當奉酬若干冊以副雅贖不勝企盼之至

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

發售處山西省城中醫改進研究會

中醫雜誌

上海中醫學會出版

〔二〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至廿七期

第四十七期 廣告門

八十七

第十七期 廣告門

八十八

〔二〕(定價)每册大洋二角五分購滿六册者減售一元四角

〔三〕(郵費)國內每册三分國外八分多則照加掛號另加五分

〔四〕(函購)郵局不能兌匯之處可以郵票代現惟須照九五折計算

〔五〕(彙選)第一至四期均已售罄特刊彙選發行上下二册實價一元二角郵

費八分

〔六〕(附)第五期已售盡本會員通信處詳載紀念册以便互通消息每册售大

洋五分

總發行所 上海西門內石皮弄中醫學會雜誌社發行部

中醫雜誌五八彙選因

單本雜誌售盡無餘將原稿重行編選再版出書內容彙集舊稿外並加入新稿多編計出一至四期彙選五至八期彙選兩種一至四期已無存書五至八期尚未售盡實價一元五角郵費加一

發行處

上海西門內石皮弄

中醫學會

寄售處 各地商務印書館及各大書局

張壽甫先生四期衷中參西錄每部定價一元郵費五分滄
州立達醫院發售

介紹浙江紹興醫藥月報

紹興醫藥月報爲浙紹何廉臣先生編輯內容精美每月一期定價一角全年一
元半年五角五分郵費每期五釐全年六分民國十三年正月出版發行所紹城
石門橋醫藥月報社及紹城大街天芝堂藥號

嚴氏金匱廣義出版廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元
貳角現售照碼九折十部以上八折連郵費在內以十三年舊曆十二月爲限限
滿不折不扣發行處在甯波慈谿東鄉費家市嚴氏養正學校遠地如以郵票代
洋准三分以下之郵票爲合格按九五折計算書印無多購請從速

慈谿中醫學會同人公啓

無錫王旭高名書六種出版廣告

先生醫案柳君寶詒已選入四家醫案尙有退思集類方歌註醫方證治彙編歌

談增訂醫方歌訣。醫方歌括。薛氏濕熱論歌訣。西溪書屋夜話錄治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。無錫周小農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花巷周小農醫室

中國醫學界空前唯一之評論刊物▲

▼醫界春秋——彙訂第二集出版

光陰荏苒歲月不居。本刊自出版以來。倏已二載。回憶第一集彙選出版之時。蒙讀者不棄。紛紛購閱。是以出版未久。銷售一空。今者第二集彙訂。又屆出版。本社同人自問。較第一集之內容。更有進境。因關於各門。皆由當代醫學家所著。述宗旨純正。切於實用。非可與東抄西襲及圖利者比。本彙訂並有名人題詞及序文。等生色不少。凡喜研究中醫學術諸君。及愛閱本刊之讀者。欲得本刊之全璧乎。

幸勿失此良機再者第一集彙選祇存五十部欲購從速售完不再添印尙希

注意

〔總發行所〕上海雲南路安慶里²²⁷號醫界春秋社

〔價目〕第一集實價二元四角 寄費一角
第二集實價一元二角 寄費一角

淺顯明白
唯一無二 之醫藥新聞

合普通社會之心理
有衛生自療之方法

本報現已出至五十期每月六期每陽曆十號出版全年七十二期定閱者連郵大洋貳元國外加倍主編吳克潛張汝偉

定報處

上海薩坡賽路豐裕里四一醫藥新聞報館
上海南京路德裕里二十七號張汝偉醫室

衛生大全出版

是書爲張汝偉吳克潛二君合編內容分衛生須分年齡別男女按時令衣食住行娛樂公衆論說八大綱四十餘子同與衛生常識可謂詳盡允宜人手一編之作也定價八角特價四角郵票通用寄費加一出售處

上海南京路德裕里二七號張汝偉醫室

再生草說略

朱明初

人類之死於疾病者，依據世界死亡統計，以肺癆爲最占多數。而我國人之死於此病者，則尤較他國爲獨多。或謂每分鐘得二人，毒焰披猖，甚於刀兵水火。噫！肺癆之足以戕賊人類，亦云酷矣。攷是病之原因，皆由結核桿菌傳染而來。故又名肺結核。其病狀爲精力衰弱，咳嗽咯痰，痰中間含血絲。或有滿口咯血者。胸壁塌陷，肌膚蒼白，食慾減少。傍晚面頰潮紅。入夜手足灼熱，或發盜汗。亦有結核菌侵入腸內，則致腹痛下痢。爲腸癆者。侵入咽頭或喉頭，則致咽喉疼痛，聲音嘶啞。而爲咽頭癆或喉頭癆者。侵入皮膚四肢，則致腫瘍膿瘍骨瘍，而爲瘡癆癰癆或骨癆者。症狀雖異，原因則一。醫稍失時，每難挽救。目擊慘狀，言之心悸。鄙人居富陽縣鷄籠山，家世醫學，迄已六傳。鷄籠山亦名赤松山，或謂仙人赤松子嘗稅駕於此。因是得名。此雖神話無稽。然山川幽秀，風景絕塵，靈異草木，滋生其間。木有如樟者，夏季結實名赤松子，爲他處所未見。功專清血解毒，年服數枚，可免瘡瘍之

患更有異草一種，葉綠莖紅，狀如天名精，吾家先世向採取之以治血症極著奇效。鄙人念世之患肺癆者，苦無特效良藥，以驅病魔，乃將此草悉心研究，依法化驗，積十餘年之經驗，始知不特可治血症，用治各種肺癆症，尤有特效，即中西名醫，認為不能挽救之重症，連服一二十次，亦可立起沉疴，屢試屢驗，有口皆碑，確有使人再生之功。天生此草，殆為尅治肺癆起見，而又特產鄙人所住山中，假手鄙人以發明之，豈非天心仁惠，欲使一般患者得慶再生，同登壽域乎？鄙人本名載生，因即定名曰再生草，現應親友之請，特精加配製，裝袋出售，祇收工本，以求普及區區之志，固非尋常牟利者比也。

服法 每包一服，裝潔白布袋中，用時連布袋加水三碗煎一碗，再加二碗煎一碗，勻作三分，食後分服，小兒減半，孕婦不忌。

價目 每服一包定價大洋一元，每打十二包定價大洋十元，函購寄費加一。

總發行所 杭州 再生醫室

彌教坊棚橋河下
團子巷三十六號

第十四十七期 廣告門

最新 異軍突起之

上海醫報是

上海最著名 中醫學會 執行委員所編輯 最正當最偉大 之通 有勢力之 為現代醫界

宗旨 介紹醫藥常識 傳達醫藥新聞 提倡公共衛生 促進民衆康健

內容 澈底說明病理 切實指導治療 公開靈驗秘方 詳載醫藥消息

一字一句皆切實用不尙空談

本社抱絕大犧牲希望本報普及全國非今日藉報紙宣傳而實以牟利釣譽者可比 格式 如申新二報大小相同每星期三出版一大張每年五十期而 定價 祇收紙張費每年

郵大洋二元本報著重信用實事求事 廢除一號招歛錢之虛

偽一贈品一優待一辦法

樣報示明 地址即寄 △△上海西門內石 上海醫報社啓

上海醫報社優待中醫學會會員閱報辦法

- 〔一〕本社爲中醫學會全人所組織故對於中醫學會會員訂此優待辦法
- 〔二〕此種優待辦法惟中醫學會會員單獨享非中醫學會會員恕不照辦
- 〔三〕各會員每人介紹親友五人以上同時定閱者得常年贈送一分並有投稿登載權利
- 〔四〕被介紹者不限於醫界不限於中醫學會會員不限於同一地方
- 〔五〕被介紹人之報費如一時不及收足先將下列表格填好寄下同時先付報費過數餘款介紹人須負責一月半內付清
- 〔六〕如一時未便集合五人定閱請即先定一分集滿後可填表寄下仍得實行上項辦法
- 〔七〕此項優待辦法以一年爲限〔即本報一期至五十期內〕

第十七期 廣告門

贈送民衆必讀的

快活報(又名三六九)

十萬份爲限

內容

衛生常識 醫藥常識 婦女良友 隨便談談

民衆顧問 走馬燈 俱樂部

索報辦法

請自寫通信地點附黏郵票(乙分空函不覆)以省手續而免延期

蘇州裝駕橋巷一號快活報社

中華民國十八年二月三十日出版

編輯兼發行所

山西太原省城精營東二道街北首門牌第一號
中 醫 改 進 研 究 會

信 實 進 取 愛 羣

一 意 注

本雜誌每兩月一册全年六册如承訂閱請寄現款郵票代價九五折扣以四分以下者為限但郵票必須間以蠟紙如無蠟紙致不能揭開者不收

表	目	價
零	半	全
售	年	年
一	三	六
册	册	册
大洋一角五分	大洋四角	大洋八角
費郵	費郵	費郵
一分半	四分半	九分

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

目	價	告	廣
四	半	全	頁
分			數
之			價
一	頁	頁	目
大	大	大	兩
洋	洋	洋	月
一	二	四	一
元	元	元	期
大	大	大	半
洋	洋	洋	年
二	五	十	三
元	元	元	期
大	大	大	全
洋	洋	洋	年
三	八	十	六
元	元	八	期